

寓賢



六合以內皆寓也或隱晦焉而寓或講學焉而寓或欲家焉而寓其暫於斯而未嘗久於斯與生於斯而未嘗長於斯者莫非寓耳蹤跡所及兩地之人共爭之曰此嘗寓吾邑者雖寓也而有與留焉者矣須臾而可以千古顧猶夫人之寓乎哉志寓賢

唐

闕立本西安萬年人官中書令卜居武安山下讀書暖水三山之左置南莊五都自太宗殂高宗立權移武后立本舍宅為普寧寺施讀書處為智門寺舍南莊為普圓禪院又築墓於普寧寺後委僧護守之通志

玉山縣志

卷二十三

寓賢志

按文貞久耻居右相無俟馳譽丹青之嘲矣咸亨初復官改中書令卒是時玉山未置縣卜居武安山更在高宗永徽前

宋

楊億字大年建州浦城人也生之久其祖文逸夢一羽衣自稱懷玉山人覺而億生有毛被其體其長盈尺踰月始墮按以下皆祖文逸得代攜億歸建州後事附考母口授以書隨卽成誦六歲學吟詩七歲善屬文年十一以童子召對按召自建州試詩賦五篇

下筆立成太宗歎異以為秘書省正字制曰汝方在髫齡不煩師訓精爽神助文字生知越景絕塵一日千里予有望於汝也從祖徽之知許州億往依焉徽之間與語歎其學問該博曰與吾門在汝矣淳化中命讀書秘閣遷光祿

寺丞太宗觀華後苑召命賦詩明年苑中曲宴億復以詩
獻太宗詰有司不時召對曰非貼職不與卽以億直集賢
院真宗卽位拜右正言修太宗實錄凡八十篇而億獨成
五十六卷出知處州召還拜左司諫知制誥咸平中詔近
臣議靈州棄守億上疏景德初同王欽若修冊府元龜大
中祥符初爲翰林學士嘗以疾在告真宗遣使挾大醫療
之億表謝真宗批紙尾賜詩有副予前席待名賢之句其
顧遇如此及章獻后之立也真宗欲得億草制使丁謂諭
旨億難之謂曰大年勉爲此不憂不富貴億曰如此富貴
亦非所願也乃命陳彭年草制億旣頻忤旨而王欽若陳
彭年深所讒毀億嘗入直夜召見禁中命坐賜茶從容顧
問久之出文藁數篋以示億曰卿識朕書蹟乎皆朕自起
草未嘗令臣下代作也億皇恐不知所對頓首再拜而出
乃知讒言得行矣億有別墅在陽翟按別墅在陽翟則億懷玉不得有精舍億
母往視之會母病億不俟報而行讒者以爲慢朝廷億素
體羸至是以病聞乃授太常少卿分司西京進秘書監起
知汝州會加玉皇聖號召爲寶冊參詳儀制副使天禧二
年遷工部侍郎知貢舉坐譴降秘書監母喪詔起復爲翰
林學士億嘗代寇準草奏請皇太子親政斥丁謂等姦邪
事準旣逐億亦憂畏而卒年四十七

東都事略 新增

按大年生於玉未嘗長於玉備錄終始俾覽者有所考
證

李彌大字似矩蘄州人崇寧進士履行端方爲一時之傑累
官至工部尚書後以顯謨閣學士致仕寓居於信之懷玉

山府志

按通考紹興二年呂頤浩以左僕射都督諸軍請辟參謀官戶部尚書李彌大秘書少監陳崧卿與焉彌大言於上曰東晉王導謝安為都督未嘗離朝廷今邊圉幸無他頤浩不宜輕動且臣為天子侍從非頤浩可辟請於諸軍悉置軍正如漢朝故事察官郎為之陛下必欲遣臣請與崧卿別為一司專伺其過失以聞彌大遂改命餘詳史本傳

韓元吉字無咎開封人仕至吏部尚書龍圖閣學士封穎川公嘗師尹焯得呂祖謙為壻師友淵源為諸儒所推重徙居上饒所居之前有澗水號南澗南有園築亭竹間號蒼筤卒塋城東所著有愚慙錄周易繫辭等書子琥字仲止

玉山縣志

卷二十三

寓賢志

二

號澗泉與趙章泉同時有詩名稱二泉先生方虛谷詩上饒有二泉指此通志

按通志有維之子與兄元隆俱登甲第語今刪去葉紹翁四朝聞見錄韓南澗先生雖襲門蔭而學問遠過於進士孝宗謂兩制之選能者為之顧何擇於進士任子據此則謂與兄俱登甲第者謬也又周煇清波雜志韓持國維寶元間偕兄弟應進士舉預南省奏名五世孫元吉尚書乃謂維之子亦誤持國卒元符間年八十二至孝宗隆興又六十餘年其為五世孫無疑又詳直齋解題南澗甲乙藁

又按紹興三年許任子亦就試博學宏詞科所取亦澗五人任子中選者賜進士第自乙卯至于紹興癸丑并

之三十三人詳載洪容齋三筆韓无咎非碌碌者且官至尚書學士不與李學士獻之並及則非進士益信及閱陳振孫書錄解題元吉與其從兄元龍皆嘗試詞科不利爲之釋然改龍作隆亦非

趙暘字以若鄭州人元祐館職趙敵彥思之子也世居東里直龍圖閣以提點坑冶鑄錢行提舉江州太平觀來居智門寺作亭爲臨眺之所施_釋顯因呂忠穆公語摘君子字以名其亭且爲記改通志

按前志云歿葬章泉子澤終胸山縣主簿孫渙終通判沅州曾孫蕃承議郎直祕閣致仕世爲玉山人自獻至蕃皆有文集名之曰東里趙氏四世集

又按方虛谷瀛奎律髓載趙以若和姚仲美臘梅詩注

玉山縣志

卷二十三

寓賢志

四

趙暘字以若其先本杭人徙鄭州及汴畢漸榜甲科靖康初左正言過江寓信州玉山章泉之曾祖也則前志謂暘字義若通志前府志作義若並誤

晦菴朱文公熹與汪端明友善嘗講學懷玉山中手植梨樹至今尚存山中人呼曰大梨懷玉山志

呂丕問字季昇中原人徙居縣之西以谷隱名堂并以自號其從子舍人居仁嘗爲賦詩前府志

呂祖謙字伯恭金華人夷簡七世孫早擢高第官著作郎以明道爲務聞晦翁與汪端明陸象山講學懷玉遂就玉拜端明爲弟子尋歸有省倡道於婺稱東萊先生玉人至今與端明並祀同上

國朝

趙佑字鹿泉仁和人乾隆壬申入庶常講學於懷玉書院以
闡明經義表章先賢爲務後以大理寺卿兩典試江西旋
留視學不復至舊游地矣著詩書質疑三傳雜案四書溫
故清獻堂集新增

按通志列入尹少稷稽徒以東萊方齋一詩耳今存方
齋於古蹟錄呂詩於文藝足見少稷三十年前所以自
期與師友所以相期者固斷不苟矣必要其終始而
命之曰賢嗚呼史傳具在豈得而誣焉

又按朱子講學懷玉汪陸未嘗與也汪文定自閩中一
見後音書相繼不再覲面諸舊志之誤辨詳書院志

玉山縣志

卷二十三

寓賢志

五